

# PROMOCIJA DUALNOG OBRAZOVANJA PUTEM PILOT PROJEKATA I EDUKACIJE

Brojne su dileme i nedostaci kada u obrazovnom sistemu u Bosni i Hercegovini, bilo da je riječ o osnovnom, srednjem ili visokom obrazovanju. Jedna od najčešćih kritika je ona da učenici i studenti izlaze iz srednjih škola i fakulteta sa nimalo ili, u boljem slučaju, sa nedovoljno praktičnih znanja i vještina. Udruženje poslodavaca FBiH ima rješenje za ovaj problem na nivou srednjoškolskog obrazovanja. O dualnom sistemu obrazovanja govori pomoćnik direktora u Udruženju poslodavaca FBiH i koordinatorom projekta "Promocija dualnog obrazovanja putem pilot projekata i edukacije" Zlatan Dedić.

## Šta je dualni sistem obrazovanja i kako je došlo do pokretanja projekta „Promocija dualnog obrazovanja putem pilot projekata i edukacije“?

Model dualnog obrazovanja je model srednjeg strukovnog obrazovanja, koje nudi obrazovanje na dva mjesta i to teorijski dio nastave koji bi se obavljao u školi i praktični, koji je predviđen da se odvija u kompanijama. Pri tome, učenik oko 70% nastave provodi učeći kroz rad i praksu, u realnom radnom okruženju. Projekat „Promocija dualnog obrazovanja putem pilot projekata i edukacije“, koji implementira UPFBiH je dio jednog većeg projekta koji finansira Evropska unija, a provodi Međunarodna organizacija rada. Taj veliki projekat podržava lokalna partnerstva za zapošljavanje u BiH. Moram istaći i naše partnere na projektu-kompaniju Centrotrans Sarajevo, Srednju školu za saobraćaj i komunikacije Sarajevo, Srednjoškolski centar Vogošća, Službu za zapošljavanje Kantona Sarajevo, te općine Novi grad, Novo Sarajevo i Vogošća.

## Šta je glavni cilj projekta?

Naš cilj je, prvenstveno, pokazati da ovakav model obrazovanja može riješiti problem neusklađenosti ponude i potražnje na tržištu rada. Postojeći obrazovni sistem proizvodi nekvalitetne kadrove koji, uglavnom, završavaju na birou za nezaposlene, a s druge strane su kompanije kojima nedostaje kompetentna radna snaga. Uz glavni cilj projekta, tu je i nekoliko drugih ciljeva - ubrzanje lokalnog ekonomskog razvoja i stvaranje sinergije između poslodavaca, obrazovnih i institucija za zapošljavanje, općina i nevladinih organizacija. Za uspjeh projekta je važno motivisati roditelje i buduće srednjoškolce da se školuju za ona zanimanja koja su u skladu s potrebama poslodavaca, ali i upoznati sve društvene subjekte sa benefitima koje će donijeti ovakav sistem obrazovanja.

## U kojoj fazi je Bosna i Hercegovina na polju uvođenja jednog ovakvog obrazovnog sistema i koji su najveći izazovi koji su pred vama?

Najveći problem je nepostojanje jedinstvenog obrazovnog sistema u BiH, pa nevolje zadaje entitetska i kantonalna podjela nadležnosti u obrazovanju. Tako imamo nekoliko kantona koji rade na zakonskoj i podzakonskoj regulativi koje će doprinijeti uvođenju modela dualnog obrazovanja, dok ostali kantoni još uvijek nisu napravili ni prvi korak ka uvođenju istog. U Kantonu Sarajevo,



Bosansko-podrinjskom i Hercegovačko-neretvanskom kantonu uskoro možemo očekivati rješenja koja će regulisati uvođenje dualnog obrazovanja u srednje škole. Harmonizacija na nivou cijele države, ali i transformacija već postojećeg obrazovnog sistema u onaj koji će uključiti i dualno obrazovanje i omogućiti tim učenicima dalje školovanje najveći su izazovi koji stoje pred nama.

### Zašto je sistem dualnog obrazovanja, u konačnici, bitan za poslodavce u Federaciji BiH?

*“Model dualnog obrazovanja riješit će problem neusklađenosti ponude i potražnje na tržištu rada”*

Kadrovi koje obrazuju srednje strukovne škole ne zadovoljavaju potrebe tržišta rada, odnosno poslodavaca. Dualnim sistemom obrazovanja poslodavci će dobiti radnike koji su već upoznati s radnim procesima jer su proveli mnogo vremena učeći i stičući vještine – dobiće kadrove koji su odmah po završetku škole sposobni da uđu u proces rada. To će uštedjeti vrijeme i novac koje poslodavci troše na dodatnu edukaciju ili prekvalifikaciju svog osoblja, kako bi bili spremni za rad.

### Koja je korist od dualnog obrazovanja za škole, ali i za širu društvenu zajednicu?

Dodao bih još da, osim mogućnosti da se odmah zaposle nakon škole, učenici bi primali i određenu naknadu u toku odrađivanja praktične nastave u kompanijama, što je svakako veoma važno i za njih same, ali i za porodični budžet. Ono što škole dobijaju uvođenjem dualnog obrazovanja jeste mogućnost da rade u jednog kvalitetnijem okruženju, zatim kvalifikovanije nastavnike za dio nastave koji se odvija u školi, te opremljenije kabinete. Sve će to doprinijeti kvalitetnijem obrazovanju svakog učenika. Što se tiče društvene zajednice, rješava se najveći problem – nezaposlenost. Razvoj ekonomije na lokalnom nivou, što je jedan od ciljeva ovog projekta, na duže staze donijet će i državi brži razvoj i samim tim postizanje većih ekonomskih uspjeha.

## Otvoreni info pultevi o dualnom obrazovanju

Udruženje poslodavaca FBiH implementira Projekat „Promocija dualnog obrazovanja putem pilot projekata i edukacije” u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS”, sarajevskim općinama Novi Grad, Novo Sarajevo i Vogošća, te kompanijom Centrotrans dd Sarajevo. Ovaj projekat, zajedno sa 19 lokalnih partnerstava, podržanih u okviru krovnog projekta "Lokalna partnerstva za zapošljavanje u BiH", finansira Europska unija sa četiri miliona eura, a provodi Međunarodna organizacija rada (ILO), s ciljem prekvalifikacije skoro 2.000 nezaposlenih osoba i zapošljavanje najmanje njih 620 u 22 općine u BiH.

„Model dualnog obrazovanja je model srednjeg strukovnog obrazovanja, koje nudi obrazovanje na dva mjesta i to teorijski dio nastave koji bi se obavljao u školi i praktični, koji je predviđen da se odvija u kompanijama. Naš cilj je, prvenstveno, pokazati da ovakav model obrazovanja može riješiti problem neusklađenosti ponude i potražnje na tržištu rada. Postojeći obrazovni sistem proizvodi nekvalitetne kadrove koji, uglavnom, završavaju na birou za nezaposlene, a s druge strane



su kompanije kojima nedostaje kompetentna radna snaga", istekao je koordinator Projekta Zlatan Dedić.

U sklopu Projekta 12. decembra 2018. godine otvoreni su info pultevi u tri općine Kantona Sarajevo, odnosno u općinama Novo Sarajevo, Novi Grad i Vogošća, a sa ciljem informisanja svih članica lokalne zajednice i promovisanja modela dualnog obrazovanja.

„Mi kao lokalna zajednica aktivnim mjerama, različitim programima i projektima podržavamo rješenje problema nezaposlenosti. Izuzetno sam zadovoljan što

Općina Novo Sarajevo učestvuje u Projektu, te se nadam da će dualni model obrazovanja zaživjeti u punom kapacitetu, a u korist šire društvene zajednice" kazao je načelnik Općine Novo Sarajevo Nedžad Koldžo tokom otvaranja info pulata u toj općini.

Uspostavljanje info pulteva je prilika da se sazna o koristima dualnog obrazovanja za učenike, kompanije, škole i državu.

„Završetkom ovog Projekta ne završava se saradnja sa Udruženjem poslodavaca FBiH već će se nastaviti putem razvoja lokalnog partnerstva, te će se formalizirati potpisivanjem odgovarajućeg sporazuma. Podržavamo donošenje Zakona o dualnom obrazovanju na nivou kantona koji će sistemski riješiti ovu oblast", istakao je pomoćnik načelnika za privredu i lokalni ekonomski razvoj Općine Novi grad Sarajevo Džemaludin Kahrović.



Cilj otvaranja info pulteva je sabiranje informacija o postojećim profilima strukovnih zanimanjima za koje se učenici mogu osposobljavati, odnosno potrebama poslodavaca za neophodna zanimanja. Na ovaj način stvorit će se sinergija između poslodavaca, obrazovnih i javnih ustanova za zapošljavanje, općina i nevladinog sektora.



„Neophodno nam je dualno obrazovanje i neophodna nam je edukacija svih zainteresovanih strana kako bismo riješili problem nezaposlenosti. Ovaj sistem obrazovanja pokazao se uspješnim u razvijenim zemljama Zapadne Europe te se nadamo da će i u BiH dati zadovoljavajuće rezultate u cilju zadovoljenja potreba i poslodavaca sa naše Općine", kazala je pomoćnica načelnika Općine Vogošća Dženana Bešlija.

Na info pultevima zainteresovane strane će moći dobiti informacije o dualnom modelu obrazovanja, kao i promotivne materijale – priručnike, letke i brošure, a Udruženje poslodavaca FBiH je izradilo i video spot i film edukacijskog karaktera.

## Održan Dan otvorenih vrata u Srednjoškolskom centru Vogošća

U Srednjoškolskom centru Vogošća 14. decembra 2018. godine održan je Dan otvorenih vrata za učenike završnih razreda osnovnih škola sa područja te općine.

Dan otvorenih vrata organiziralo je Udruženje poslodavaca FBiH koji implementira Projekat „Promocija dualnog obrazovanja putem pilot projekta i edukacije“ u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS“, sarajevskim općinama Novi Grad, Novo Sarajevo i Vogošća, te kompanijom Centrotrans dd Sarajevo. Ovaj projekat, zajedno sa 19 lokalnih partnerstava, podržanih u okviru krovnog projekta "Lokalna partnerstva za zapošljavanje u BiH", finansira Europska unija sa četiri miliona eura, a provodi Međunarodna organizacija rada (ILO), s ciljem prekvalifikacije skoro 2.000 nezaposlenih osoba i zapošljavanje najmanje njih 620 u 22 općine u BiH.



„Svrha organizovanja Dana otvorenih vrata je da se učenici upoznaju sa zanimanjem koje obrazuje ovaj Srednjoškolski centar, a kako bi se lakše opredijelili za buduću profesiju. Želimo ukazati na činjenicu da će dualni sistem obrazovanja omogućiti mladim osobama sveobuhvatno sticanje potrebnih vještina za obavljanje poslova učinkovito, inovativno i samostalno, a da se ujedno zadovolje potrebe kompanija i privrede stvaranjem mlade, kvalificirane radne snage“ kazao je koordinator Projekta Zlatan Dedić.

Dualni model strukovnog obrazovanja je sistem edukacije u kojem učenici strukovnih škola pohađaju dio nastave redovno u školi, dok ostatak vremena provode na stručnoj praksi koja se odvija u različitim preduzećima. Kroz dualno obrazovanje učenici brzo stiču praktična znanja i vještina, osigurava se fleksibilnost u prilagođavanju nastavnih planova i programa, kao i upsinih kvota potrebama poslodavaca odnosno potrebama tržištu rada.



„Učenici su obišli radionice u kojima se odvija praktični dio nastave. Pokazali smo im kako se odvija dizajniranje, modeliranje i konstruisanje novih proizvoda, crtanje i konstruisanje pomoću računara i programiranje CNC mašina kontrolnim softverom. Na ovaj način učenicima završnih razreda osnovnih škola željeli smo približiti buduća zanimanja i ukazati na prednosti rada kod privrednih subjekata, kako bi sutra bili spremni za tržište rada“, kazao je direktor Srednjoškolskog centra Vogošća Said Poljo.

Bez opredjeljenja svih subjekata da se obrazovni sistem prilagodi potrebama tržišta rada, intenzivne međusobne komunikacije, stvaranja dobrih uslova rada, motivisanja roditelje i učenika i stalne edukacije, gotovo je nemoguće očekivati ekonomski rast. Organizovanje Dana otvorenih vrata jedna je od aktivnosti koje Udruženje poslodavaca FBiH sprovodi u svrhu promocije dualnog obrazovanja s ciljem podizanja kapaciteta za zakonsko regulisanje, implementaciju i promociju dualnog obrazovanja u školama, kompanijama, službi za zapošljavanje, općinama, ministarstvu obrazovanja i nevladinom sektoru.

## Srednja škola za saobraćaj i komunikacije u Velešićima i kompanija Centrotans otvorili svoja vrata učenicima završnih razreda osnovnih škola



Dan otvorenih vrata Srednje škole za saobraćaj i komunikacije Sarajevo i kompanije Centrotans održan je 20. decembra 2018. godine.

Manifestacija je održana u sklopu Projekta „Promocija dualnog obrazovanja putem pilot projekta i edukacije“ koji implementira Udruženje poslodavaca FBiH u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS“, sarajevskim općinama Novi Grad, Novo Sarajevo i Vogošća, te kompanijom Centrotans dd Sarajevo. Ovaj projekat, zajedno sa 19 lokalnih partnerstava, podržanih u okviru krov-

nog projekta "Lokalna partnerstva za zapošljavanje u BiH", finansira Europska unija sa četiri miliona eura, a provodi Međunarodna organizacija rada (ILO), s ciljem prekvalifikacije skoro 2.000 nezaposlenih osoba i zapošljavanje najmanje njih 620 u 22 općine u BiH.

„Dan otvorenih vrata smo organizovali jer smatramo da je za učenike jako bitno za koje će se zanimanje opredijeliti, te smo željeli učenicima približiti model dualnog obrazovanja, odnosno učenje na dva mjesta – u školi i kompaniji. Na ovaj način učenici lakše i brže stiču potrebne kompetencije, a samim tim brže dolaze i do zaposlenja“, istakao je koordinator Projekta Zlatan Dedić.

Rukovodstvo škole i profesori su učenicima organizovali obilazak različitih radionica stručno-teorijske i praktične nastave u kojima su predstavili svoje predmetno područje, kao i školske projekte.

„Ova škola nudi širok program koji se tiče održavanja i upravljanja motornih vozila, transporta i komunikacija. Podržavamo model dualnog obrazovanja jer smatram da je praksa i primjena jako bitna za učenike. Ona u našoj školi predstavlja oko 40 posto ukupnog broja sati koji učenici izučavaju kroz svoj profil, te su na taj način osposobljeni za buduće zanimanje“, kazala je direktorica škole Mirsada Šahbegović.

Nakon škole, učenici su obišli kompaniju Centrotans u kojoj je 18 učenika Srednje škole za saobraćaj i komunikacije Sarajevo i Srednjoškolskog centra Vogošća prošlo obuku po Projektu „Promocija dualnog obrazovanja putem pilot projekta i edukacije“.

„Učenicima smo prezentirali zanimanja koja kompanija Centrotans zapošljava, kao i Centar za edukaciju u kojem se odvija stručno osposobljavanje, te mjesta u kojima se održava praktični dio





nastave. Dani otvorenih vrata su savršena prilika da se učenici zainteresuju za određeni profil zanimanja", kazao je izvršni direktor tehničke funkcije Centrotransa Ibrahim Kerla.

Svrha organiziranja Dana otvorenih vrata i promocije modela dualnog obrazovanja je približiti učenicima buduća zanimanja i ukazati na prednosti obavljanja praktične nastave kod privrednih subjekata, kako bi sutra bili spremni za tržište rad.

„Obilazak radionica gdje se odvija praktična nastava mi je bio najinteresantniji. Kao učenici devetog razreda počeli smo razmišljati koje

srednje škole ćemo upisati, te smatram da je korisno u realnom okruženju iskusiti zanimanja za koje ćemo se eventualno školovati", istakla je učenica JU OŠ „Viteški heroji" Ena Čosović.

## UPFBiH organizira prvi Sajam srednjih strukovnih škola Kantona Sarajevo

Udruženje poslodavaca Federacije Bosne i Hercegovine u saradnji sa Ministarstvom obrazovanja, nauku i mladih KS organizira Sajam srednjih strukovnih škola u Kantonu Sarajevo. Sajam će se održati 30. novembra 2018. godine u Domu mladih u Skenderiji. Na Sajmu srednjih strukovnih škola predstaviti će se 20 strukovnih škola sa područja Kantona Sarajevo.

„Sajam srednjih strukovnih škola Kantona Sarajevo je prvi ove vrste kojeg Udruženje poslodavaca organizira u okviru projekta 'Promocija dualnog obrazovanja putem pilot projekta i edukacije'. Sajam je jedinstvena prilika za srednje strukovne škole Kantona Sarajevo da se predstave potencijalnim učenicima i njihovim roditeljima, ali i poslodavcima. Naš cilj je da organizacijom Sajma doprinesemo usklađivanju ponude i potražnje na tržištu rada, povećanju zaposlenosti u Kantonu Sarajevo, jačanju lokalnog ekonomskog razvoja putem stvaranja sinergije između poslodavaca, obrazovnih ustanova, javnih ustanova za zapošljavanje, općina i NVO. Svjesni neusklađenosti ponude i potražnje na tržištu rada, neadekvatnih nastavnih programa u školama koji nisu orijentirane ka realnim potrebama poslodavaca, pomanjkanja kvalitetne praktične nastave koja bi omogućila brzo uključivanje u proces rada u kompanijama, nedovoljne motiviranosti učenika za sticanjem kompetencija, nedovoljne saradnje i povezanosti obrazovnih institucija i kompanija, mi u Udruženju poslodavaca FBiH želimo dati konkretan doprinos popularizaciji srednjih škola strukovnih zanimanja i poboljšanju kompetencija onih koji traže posao", rekao je Zlatan Dedić iz Udruženja poslodavaca FBiH.



Projekat „Promocija dualnog obrazovanja kroz pilot projekat i edukaciju" implementira Udruženje poslodavaca FBiH u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS", sarajevskim

općinama Novi Grad, Novo Sarajevo i Vogošća, te kompanijom Centrotrans dd Sarajevo. Ovaj projekat, zajedno sa 19 lokalnih partnerstava, podržanih u okviru krovnog projekta "Lokalna partnerstva za zapošljavanje u BiH", finansira Europska unija sa četiri miliona eura, a provodi Međunarodna organizacija rada (ILO), s ciljem prekvalifikacije skoro 2.000 nezaposlenih osoba i zapošljavanje najmanje njih 620 u 22 općine u BiH.

„Srednje strukovne škole sa područja Kantona Sarajevo i na ovaj način žele doprinijeti realizaciji naše strategije da kroz dualno obrazovanje našim učenicima omogućimo da sa što više stručnih i praktičnih znanja i vještina budu konkurentniji na tržištu rada. Ujedno, roditeljima naših sadašnjih i budućih učenika želimo predstaviti naše programe urađene s ciljem da obrazujemo kadrove koji će savladanim znanjima i vještinama odgovoriti zahtjevima poslodavaca i brzo pronaći posao, a ne kadrove za biroa za zapošljavanje", istaknuo je Elmedin Lukač, direktor Srednje škole metalških zanimanja Sarajevo.

Prateća aktivnost prvog Sajma srednjih strukovnih škola Kantona Sarajevo je panel diskusija o temi „Dualno obrazovanje kao model rješavanja problema tržišta rada" na kojemu će uz moderatora Zlatana Dedića, sugestije i prijedloge kako je kroz dualno obrazovanje moguće unaprijediti tržište rada dati ministar za obrazovanje, nauku i mlade Kantona Sarajevo Elvir Kazazović, v.d. direktora Javne ustanove Služba za zapošljavanje Kantona Sarajevo Muhamed Bekto, predsjednik Udruženja poslodavaca Kantona Sarajevo Safudin Čengić, predsjednik Privredne komore Kantona Sarajevo Muamer Mahmutović i direktor Srednje škole metalških zanimanja Elmedin Lukač.

Učesnike Panel diskusije pozdravit će nacionalni LEP koordinator Amra Selesković.

## Održan Sajam zapošljavanja i Sajam srednjih strukovnih škola



U Domu mladih Skenderija 30. novembra 2018. godine održan je Sajam zapošljavanja za poslodavce i nezaposlene osobe i Sajam srednjih strukovnih škola. Ovogodišnji sajam Služba za zapošljavanje KS-a realizuje u saradnji sa partnerima Ministarstvom za obrazovanje, nauku i mlade KS-a sa srednjim strukovnim školama, Udruženjem poslodavaca FBiH i Privrednom komorom KS-a s ciljem povezivanja nezaposlenih osoba sa poslodavcima, odnosno smanjenja stope nezaposlenosti i pov-

ććanja zaposlenosti. U okviru sajma predstavilo se 18 srednjih strukovnih škola, na čijim štandovima su prezentirani učenički radovi, odnosno zanatska zanimanja za koje se obrazuju učenici ovih škola.

Kako su istaknuli iz Udruženja poslodavaca FBiH, namjera ovih aktivnosti je doprinijeti usklađivanju ponude i potražnje na tržištu rada, povećanju zaposlenosti u KS-u, jačanju lokalnog ekonomskog razvoja putem stvaranja sinergije između poslodavaca, obrazovnih ustavova,



javnih ustanova za zapošljavanje, općina i NVO. Ujedno, učenicima i roditeljima žele se predstaviti programi škola urađeni s ciljem da se obrazuju kadrovi koji će savladanim znanjima i vještinama odgovoriti zahtjevima poslodavaca i brzo pronaći posao, a ne kadrove za biroa za zapošljavanje.

Safudin Čengić, direktor firme Centrotrans koja učestvuje na sajmu, kazao je da su poslodavci itekako zainteresovani za ovakav način saradnje kako s obrazovnim ustanovama tako i sa institucijama vlasti.



- Evidentno je da nama nedostaju stručni kadrovi i kadrovi koji posjeduju vještine da mogu odgovoriti tržišnim uslovima privređivanja. Dajemo punu podršku dualnom obrazovanju i učinit ćemo sve što je do poslodavaca da učenici što više vremena provedu na praksi, a ne na teorijskom dijelu nastave, kazao je Čengić.

On je istakao da su zanatski poslovi jako dobra radna mjesta, ali da nažalost imamo deficit u skoro svim zanataskim zanimanjima. Smatra da je ambijent u BiH nepovoljan zbog čega i mladi i stari odlaze iz ove zemlje, jer imaju potrebu da žive i rade tamo gdje im je povoljnije i bolje.

- Mi kao poslodavci apelujemo na organe vlasti da hitno razgovaramo o načinu kako da zaustavimo taj trend i spriječimo ono što nas očekuje, a to je da ostanemo bez radne snage. U tom slučaju nećemo imati nikakvog razvoja u BiH. Mi smatramo da se mora pothitno rasteretiti opterećenje na rad i poslodavci su spremni da sve što se ostvari po osnovu tog rasterećenja preusmjere u plate. Mislim da moramo povećati plate svim uposlenicima kako bi zadržali kvalitetnu radnu snagu, naglasio je Čengić.



Posjetioци su imali priliku informisati se i o modelu dualnog obrazovanja, njegovim prednostima i karakteristikama na štandu Udruženja poslodavaca FBiH, koje implementira Projekat „Promocija dualnog obrazovanja kroz pilot projekat i edukaciju“ u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS“, sarajevskim općinama Novi Grad, Novo Sarajevo i Vogošća, te kompanijom Centrotrans dd Sarajevo.



## Panel diskusija „Dualno obrazovanje kao model rješavanja problema tržišta rada“



U okviru Sajma zapošljavanja i Sajma srednjih strukovnih škola, održanog 30. novembra 2018. godine, organizovana je panel diskusija „Dualno obrazovanje kao model rješavanja problema tržišta rada“.

Na panelu su ministar za obrazovanje, nauku i mlade Kantona Sarajevo Elvir Kazazović, v.d. direktora Javne ustanove Služba za zapošljavanje Kantona Sarajevo Muhamed Bekto, predsjednik Udruženja poslodavaca KS Safudin Čengiđ, predsjednik Privredne komore KS Muamer Mahmutović i direktor Srednje škole metalnih zanimanja Elmedin Lukač dali sugestije i prijedloge kako je kroz dualno obra-

zovanje moguće unaprijediti tržište rada.

Događaj se organizuje u sklopu Projekta „Promocija dualnog obrazovanja putem pilot projekta i edukacije“ koji impetira Udruženje poslodavaca u partnerstvu sa Srednjom školom za saobraćaj i komunikacije Sarajevo, Srednjoškolskim centrom Vogošća, Javnom ustanovom „Služba za zapošljavanje KS“, sarajevskim općinama Novi Grad, Novo Sarajevo i Vogošća, te kompanijom Centrotrans dd Sarajevo. Ovaj projekat, zajedno sa 19 lokalnih partnerstava, podržanih u okviru krovnog projekta "Lokalna partnerstva za zapošljavanje u BiH", finansira Europska unija sa četiri miliona eura, a provodi Međunarodna organizacija rada (ILO), s ciljem prekvalifikacije skoro 2.000 nezaposlenih osoba i zapošljavanje najmanje njih 620 u 22 općine u BiH.

Učesnike Panel diskusije pozdravila je nacionalna LEP koordinatorica Amra Selesković koja je istakla da Međunarodna organizacija rada podržava navedeni projekat.



Ministar za obrazovanje, nauku i mlade Kantona Sarajevo Elvir Kazazović kazao je da ovaj model obrazovanja zadovoljava potrebe tržišta rada i omogućavanje kvalitetne radne snage, te da je pripremljen Nacrt zakona o dualnom obrazovanju KS, a na kojem su, kroz Radnu grupu, bili uključeni i predstavnici Udruženja poslodavaca FBiH.

Panelisti smatraju da je potrebno javnost detaljnije upoznati i edukovati o ovom sistemu obrazovanja.



"Poslodavci se susreću sa problemom nedostatka kvalitetne radne snage, a ovaj model obrazovanja omogućava rješenje tog problema. Moramo naći načine da povećamo zaposlenost i povećamo plaće radnicima. Država mora smanjiti namete i doprinose na plaću kako bi se to obezbijedilo" kazao je predsjednik Udruženja poslodavaca Kantona Sarajevo Safudin Čengiđ.

Jedan od zaključaka panel diskusije jeste da poslodavci imaju potrebe za odgovarajućim profilom kadrova, a da obrazovne ustanove treba da obrazuju takve kadrove.

## Održana sjednica Savjetodavnog odbora projekta "Promocija dualnog obrazovanja putem pilot projekta i edukacije"



Na sastanku Savjetodavnog odbora Projekta "Promocija dualnog obrazovanja putem pilot projekta i edukacije" održanom 06. novembra 2018. godine, dogovoreno je vrijeme održavanja dana otvorenih vrata Srednjoškolskog centra Vogošća, Srednje škole za saobraćaj i komunikacije u Velešićima i kompanije Centrotrans-eurolines dd Sarajevo.

Dani otvorenih vrata omogućit će učenicima i njihovim roditeljima da se upoznaju sa profilom zanimanja srednjih strukovnih zanimanja koje te škole obrazuju, a u kompaniji Centrotrans dd Sarajevo informisati se o načinu obavljanja praktične obuke.

Danima otvorenih vrata prethodit će otvaranje info pulteva u tri općine Kantona Sarajevo, a sa ciljem informisanja svih članica lokalne zajednice i promovisanja modela dualnog obrazovanja. Na info pultevima zainteresovane strane će moći dobiti informacije o dualnom modelu obrazovanja, kao i promotivne materijale – priručnike, letke i brošure.

Otvaranje info pulteva održat će se 12.12.2018. godine u 10:00 sati, Općina Novo Sarajevo, potom u 12:00 sati, Općina Novi grad Sarajevo, te isti dan u 14:00 sati, Općina Vogošća.

Na sastanku su svi partneri na Projeku podržali ideju da se partnerstvo nastavi i nakon završetka ovog projekta, te da se formalizuje u pismenom obliku, odnosno memorandumom ili sporazumom. Također je dogovoreno da se u partnerstvo uključi i Privredna komora Kantona Sarajevo.



# UDRUŽENJE POSLODAVACA

---

**UDRUŽENJE POSLODAVACA FBiH**  
**MULA MUSTAFE BAŠESKIJE 12/3, 71 000 SARAJEVO**  
**TEL: 00 387 264 830**  
**FAX: 00 387 33 552 461**  
**MAIL: [info@upfbih.ba](mailto:info@upfbih.ba)**  
**WEB: [www.upfbih.ba](http://www.upfbih.ba)**